

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

29.04.2019թ.

ք.Երևան

Հարկադիր կատարումն ապահովող ծառայության Երևան քաղաքի Աջափնյակ և Դավթաշեն բաժնի ավագ հարկադիր կատարող արդարադատության կապիտան Ռ.Նամայանս ուսումնասիրելով 29.04.2019թ. վերսկսված թիվ 00011603 կատարողական վարույթի նյութերը

Պ Ա Ր Զ Ե Ց Ի

ՀՀ Երևան քաղաքի Աջափնյակ և Դավթաշեն վարչական շրջանների ընդհանուր իրավասության դատարանի կողմից 23.03.2010թ. տրված թիվ ԵԱԴԴ/0842/02/09 կատարողական թերթի համաձայն պետք է՝ Անժելա Սահակյանից հոգուտ «Անելիք Բանկ» ՓԲԸ-ի բռնագանձել 42344110 /քառասուններկու միլիոն երեք հարյուր քառասունչորս հազար հարյուր տաս/ ՀՀ դրամ՝ որպես թիվ 10.04.2009թ. թիվ 1Է 1524 վարկային պայմանագրով վարկային պարտավորությունները չկատարելու հետևանքով գոյացած ընդհանուր պարտքի գումար, որից 41000000 ՀՀ դրամը՝ որպես վարկի գումար, 1344110 ՀՀ դրամը որպես հաշվեգրված տոկոս:

- Անժելա Սահակյանից հոգուտ «Անելիք Բանկ» ՓԲԸ-ի բռնագանձել 846882 /ութ հարյուր քառասունվեց հազար ութ հարյուր ութսուններկու/ ՀՀ դրամ՝ որպես հայցվորի կողմից նախապես վճարված պետական տուրքի գումար:

- Անժելա Սահակյանից հոգուտ «Անելիք Բանկ» ՓԲԸ-ի բռնագանձել սկսած 15.07.2009թ. մինչև 42344110 ՀՀ դրամի պարտքի վերադարձնելու օրը այդ պարտքի նկատմամբ՝ տվյալ օրվա դրությամբ ՀՀ կենտրոնական բանկի կողմից սահմանված բանկային տոկոսի հաշվարկային դրույքով հաշվարկվող տոկոսները:

Բռնագանձումը տարածել 10.04.2009թ. կնքված թիվ 1Է 1524-4 գրավի, 10.04.2009թ. կնքված թիվ 1Է 1524-1 հաջորդող գրավի /հիփոթեքի/ և 31.03.2009թ. կնքված թիվ 1 Է 1524-3 հաջորդող գրավի պայմանագրերի համաձայն գրավադրված գույքերի վրա:

Հայցվորի պահանջը՝ բռնագանձումը թիվ 1Է 1524-2 գրավի /հիփոթեքի/ պայմանագրով գրավադրված գույքի վրա տարածելու մասին, մերժել:

Անժելա Սահակյանից հոգուտ ՀՀ պետական բյուջեի բռնագանձել պատասխանողից հոգուտ հայցվորի բռնագանձվելիք տոկոսների 2 տոկոսը՝ որպես պետական տուրքի գումար:

23.04.2019թ Հարկադիր կատարման ծառայություն է մուտք եղել «Ամինտաս Գրուպ» ՍՊԸ 22.04.2019թ գրությունը կից ներկայացնելով VOLKSWAGEN PASSAT 1.8T մակնիշի 11 UL 593 հաշվառման համարանիշի տրանսպորտային միջոցի վերաբերյալ եզրակացություն համաձայն որի վերը նշված տրանսպորտային միջոցի շուկայական արժեքը առ 15.04.2019թ կազմում է 100 000 ՀՀ դրամ:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով

Ո Ր Ո Շ Ե Ց Ի

Կարեն Զամայանին սեփականության իրավունքով պատկանող ներքոհիշյալ գույքը

	լուծի անվանումը նկարագիրը	գնահատման գինը	Մեկնար-կային գինը (75%)	գույքի քանակը
1	2	3	4	5
1.	VOLKSWAGEN PASSAT 1.8 T մակնիշի 11 UL 593 հաշվառման համարանիշի ավտոմեքենա, 2000թ. արտադրության	100.000 ՀՀ դրամ	75.000 ՀՀ դրամ	1 հատ



ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ <http://harkadir.ajurd.am> կամ www.ajurd.am միջոցով:

Հարկադիր էլեկտրոնային աճուրդի սկիզբը՝ 17.06.2019թ.:

Որոշման պատճենը ուղարկել կողմերին

Որոշումը կարող է բողոքարկվել դատական կարգով կամ վերադատության կարգով, որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները բացառությամբ օրենքով սահմանված դեպքերի:

**Ավագ հարկադիր կատարող
Արդարադատության կապիտան**

Ռ.Նախարար

ստորագրություն

Ծ Ա Ն Ո Թ ՈՒ Թ Յ ՈՒ Ն Յուրաքանչյուր լուտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լուտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լուտի մասին ծանուցումը:

Եթե աճուրդը չի կայացել գնորդ չլինելու կամ լուտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լուտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լուտի գնման գինը սահմանված ժամկետում չվճարվելու կամ առավաճառքի պայմանագիրը չստորագրելու հիմքերով, ապա լուտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լուտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լուտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լուտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լուտը իրեն հանձնելու վերաբերյալ գրավոր պահանջը կարող է ներկայացնել ՀՀ ԱՆ դատական ակտերի հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լուտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լուտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո: